



کتابخانه ملی

کلیات آثار

# الهام وطن

استانبول — مطبعة عامره

۱۳۳۴





الحمد لله

کلیات آثار

# الهام وطن

استانبول — مطبعة عامره

۱۳۳۴



۱

بر هیئت مخصوصه طرفندن طبع ایتدیر اشد ر .

## مقدمه

مملکتتمزك خرابی حاضرند ، اعتقاد مجه ، اك بيوك  
عامل ، وطن فكرينك وطنمزه بك كچ و بك ناقص  
داخل اولسی در .

( داخل ) دیدم ؛ اوت ، عزت نفس ملیمزه گران  
گلسه بیله ، انتباه ملی نامنه اعتراف ایتملی یزكه بوفکر ،  
ملتك كندی روحند ، كندی سلیقه واراده سندن طوغمادی .  
اونی مملکتتمزه و خصوصیه ادبیاتمه ادخال ایله روحلمزه  
تلقین ایدن غربك مآثر عرفانی در . بروطن غایه سنك  
وجود و وجوبی بزآنحق غربك مآثر عرفانه کسب  
اطلاع ایتدکن صوگره اوگر نه بیلدك .

مبارك نعللرینی ، یورلق بیلمین بر فدا کارلقله  
سرحدلرمزك اوته سنه بریسنه عصرلرجه سرمش اولان  
جان نثاران وطنی دائماً عمیق برحس شکران و منتله یاد

وتجیل ایدرز. بونگله برابر هیچ بر من انکار ایدمیز که  
 اونلری اورالره سوق ایدن یا بر قهرمانلق حسّی، یا بر عالم  
 دیگرک اشتیاق نعم و حضوری ایدی. بر بهشت موعودک  
 فسون جاذبی بر عدن موجودک حسن یتیمه تحکم ایتدیکی  
 مدّت ظرفده او قانلر، بر ملجأ دنیویدن زیاده بر ملاذ  
 اخروی ایچون آقدی. حالبوکه وطن محبتک تعقیب  
 ایتدیکی غایه، بودنیانک اوته سنده دگل، بر یسنده و تخریب  
 دگل، اعماردر. اونی یاشاتمق ایچون یاشامه نك ده بروطفه...  
 دها بیوک، دها مثبت بروطفه اولدیغنه ایمان ایتلی یز.  
 بزاگر وطنمزی حقیقه سوسه یدک طاغلری بوقدر  
 چپلاق، انهارى بوقدر تارمار، اورمانلری بوقدر غارتدیده،  
 ساحللى بوقدر ایصسز، اووولری بوقدر بیکس، خلاصه  
 طوپراغی بوقدر سفیل وافرادی بوقدر مضمحل اولمازدی.  
 سطحنده ایکلین برکت نامیه قدر، زیرنده ثروت وسامان  
 بوغولان بو طوپراقلرک اوستنده انسانلری، حیوانلری،  
 اشجار و جماداتی متوالیا کمربوب طوران سفالت، بزم  
 وطن محبتده کی ضلال واهالمرک محصول دلخراشیدر.  
 اتمک ادراک و عرفانه مرشدک ایتک ایستینلر،  
 نام اقدسنه سوز سویلدکلری پیغمبر ذیشانک روح



مقصدي منفعلي و متفرايده جك صورتده، بوقومك حسيات  
و مساعيسنه عصر لرحه بر بشقه هدف . . . بر هدف  
دورادور گوسترديلر. دنيادن آخرته كچيله جگني و دنيابي  
اعمار ايتمه نك عمران عقبا قدر الزم اولديغني اونبي انقلابساز،  
تكرار ايله، اصرار ايله بيلدير مشكن، بونلرك اقبال  
و افعالي، امت محمدی تارك دنيا اولمغه سوق  
ايد يوردی .

شاعر اعظم عبدالحق حامد بگك اوتوز بش سنه  
اول نشر اولنان برواغظ برواغظ عنوانلی منظومه سنده  
او طائفه دن بر مرشد مضله شو سوزلرله عتاب ايد يليور :

ای بشر چهره لی حیوان هیهات !  
علم و عرفان ايله در ذوق حیات.  
( وطن و ملتى سوئم ! ) دیرسك،  
یا نیچون کندیکه آدم دیرسك؟ ..  
خلق ایچون حب وطن ایماندن،  
سنجه شرعی می دگل حب وطن؟ ..  
نهیه دیرسك : ( او دگر معنادر ! ) ،  
یعنی مضمون وطن عقبادر !

## الهام وطن

آخترده آرايورسك هرآن ،  
بوراده يوقى صانيرسك رحمان ؟..  
چونكه هپ جتته كوكلك ميال ،  
نه ايچون غائله اهل وعيال ؟..  
وطن ظاهرى سومرسك سن ،  
نه ديمك حب محل ومسكن ؟..  
كوررم حال ايله قالك مدخول ،  
سنجه احكام شريعت مجهول ....

\*

\* \*

بزده وطنى طانتماق وسوديرمامك گناهنه شعراي  
قديمه مزده عمامه داران گذشته قدر شريكدر . قصيده  
پردازلرمز بر محاربه نك تعقيب ايتديكي غايه ي و احراز  
ايدلمش غاليتلر وارسه فوائد واسبابنى ايضاح ويا تلقين  
ايده جك يرده ، اوچلرندن قانلر آقان قليجلرى ثنا  
ايدرلردى . ايشته قوجه نفعينك ديوانى . . . سلاح  
شاقيرديسندن وجده گلמש بر روح متهيجك رقص  
ولوله دارندن بشقه بر شى گورمز وايشيتمزسكز . حتى  
ياق بيله ، سلطان سليمان قانونى يه اولان مرثيه مشهوره  
ومعظمه سنك اوته سنى بريسنى ،



تیغ خدا یولنده سیل ایتدی قانلری ! ..  
 کبی سوزلرله املا ایتشدی .  
 شمعى نامنده بر حریفك ،

شمعىم ، گوشه میخانه یی ویرم فلکه  
 وطنمدر ، وطنمدر ، وطنمدر ، وطنم ! .. [\*]  
 کفری بیوک ، کچوک هر کسك یوزلرجه سنه دن بری  
 زبازدیدر ! ..

\*  
\*  
\*

نامق کمال بك مرحوم ملتک فکر وشعرینی بو  
 شکل ضالاده بولدی . شناسینک آوروپادن کتیردیکی شعله  
 عرفان ایله کمالک استعداد خدا دادینی ایقادایتدیکی زمانه  
 قدر ، وطن محبتی هیچ برشاعر مزك اعصاب بیانندن  
 بر جریان خفیف بیله گچیرمامشادی . وطنک محاسن  
 ومصابینی بلاغت مشعشعه وصمیمیه سیله بزده ایلك ترنم  
 ایدن ( نامق کمال ) در . بشقه برمناسبتله ده دیمشدم که :  
 سلطنت سیاسیه مزك اساسنی سلطان عثمان ، سلطنت  
 ادبیه مزك تملی نامق کمال بك وضع ایتدی . بزده بری  
 وطنک ، دیکری وطن محبتک مؤسسدر ! ..

[\*] ( کلشن باغ ارمندن بکایکدر وطنم ) شکنده ده  
 منقولدر ! ...

هرايكيسنڭ ده روان پا كنه حرمت و رحمت اولسون!  
 كالك آچدينى شهراه حميتى عبدالحق حامد بك ،  
 دهانسڭ بدايىع كونا كونيلىه تزيين و توسيع ايتدى: طارق  
 باشدن باشه انسانى ميل معالى يه سائق اولان نفائسله  
 موشحدر . اشبرى اوقويان بر آدم ، هانكى قومدن  
 اولورسه اولسون ، وطن سز ياشاماق ايچون ثولمكى  
 حياتك اعظم نعمى عد ايدر .

اشبر . نم نظرمدى بر ترك قهرمانندن بشقه بر شى  
 دكل در ؛ چونكه بر ترك شاعرينك مخلوق مخلص ايدر !  
 اسكندر ك ، جماعتلى ، ملتلى ، جمعيتلى ده ويرن  
 اردوسى اوڭنده صوڭ قوتى صرف ايتدكن صوڭره  
 مغلوب واسير دوشن اشبرك ، زنجيرلر ايچنده بيله كردنفر از  
 وقار اوله رق ، غالبه ايتدىكى خطاب ايله ، مثلاً حافظ  
 عبدالازل پاشانك كچن يونان محاربه سنده شهيد اولوركن  
 كوستردىكى اوضاع ايله سويلدىكى سوزلردن . نم غرور  
 ومباهاتم عين حصه تحسسى آلىر . استاد اعظمزك  
 اسكندر مواجهه سنده كندى اشبرينه سويلتدىكى شو  
 سوزلى تترمه دن اوقويه حق بر وطن داش تصور ايدىم :

اتباع و خدم ، سریر و افسر ،  
 کیتدیسه ده محو اولوب سراسر ؛  
 محو اولمادی منتهای آمال ،  
 ناموسمی یعنی ایتدم اکمال !

- زنجیرلرینی چینگرداته رق -

طاقدم سه ده بر دمیر حمائل ،  
 اولماز شرفم بونگله زائل !  
 پامال عدو اولورسه اکیل ،  
 آنجق او دیمک سزای تذلیل !  
 بوینم سکا اولمه دن سه مربوط ،  
 تا حشر اوله یم بو یولده مضبوط !  
 زنجیر ایله اولماز امتانم ،  
 تک سنده بولماسون عنانم !  
 فکر ایت ، بو مخاطبک اولان مرد ،  
 اوچیوز بیک عدویه قارشی بر فرد !  
 سن سه او گروه ایله برابر ،  
 آنجق بکا قارشی خصم اکبر !  
 قادر ، ینه اقتداری مسلوب ،  
 غالب صاییلیر بو یولده مغلوب ؛  
 بن بویله هزیمته فدایم !

- آهن صدالریله کزینه رک -



## الهام وطن

قارشىكده يم ايشته ، دست وپايم  
زنجير اسار ايله مزين ،  
يتمك بنى مقصدكسه گل ين !

\*  
\* \*

مختلف زمانلرده مختلف سبيلرله ابداع ايتديكى نشاند  
وطنپورانه نك بو صحيفه لرده جمع وتدوين اولمىسه مساعده  
ايدن شاعرا عظم مى ، بزه شسو وظيفه يي افهام والهام  
ايتمك املنده در :

وطنى ياشاتمق ايچون ئولكيز. وئولدورتما مامك  
ايچون ياشايمكيز !..


اولادى طرفدن سولمىن بر وطنك نه قدر بدبخت  
اولديغنى پك آجى وقانلى تجربه لرله آكلادق . ضلال  
واهالمزك جزاسنى بو بىچاره طوپراق عصرلردن برى  
چكيور . دولتمزدن مهجور بر ملت وملة مزدن جدا  
بر وطن الله بزه كوستر مسون !..

صوك حرب عموميده بر چوق گزیده عرقداشلر مزك  
ابزال ايتديكى خوارق بسالت ، بزده اساسلى وفيياض

برانتباه مٔلینک امکان حصولی تبشیر ایتسهیدی، اجدادک  
میراث اقدسنی محافظه امیدى بيله گوکلر مزده زار  
وگریان سونه جکدى ! . . . .

اوت ، عصرلردن برى جریحه لرندن قانلر صیزان بو  
خسته والده ، بو وطن بزدن مطرّد ، تعب ناپذیر ،  
حیاتمزله همدوام بر اهتمام ایستور . وطنلر یالکیز حرب  
زمانلرنده ویالکیز اعدای خارجییه قارشى وقایه اولنماز .  
صلح وسکون ساعتلرنده عهدۀ اولادیتۀ ترتب ایدن  
وجائب اهتمام دها مهم ودها مبرمدر . مملکتی خرابیدن  
قورتارمق وبوکون بایقوشلر اوتن یرلرک آفاقه رفاه  
ومسعدتک ترنمات شائقانه سنی عکس ایتدیرمک : طوپلر  
— انشاءالله شان ظفرله — صوصدقدن صوگره دیگلیه جکمز  
امر ، بو ودیندارانه بر اقیادایله تلقی ایده جکمز نصیحت  
ینه بو اولسون ! . . .

نشان طاشی ، ۱ رجب ۱۳۳۴ سلیمان تطیف





## برشیده (\*)

دشمنده غرض رخنهٔ مبنای وطن در،  
اولادینک امدادی تمنای وطن در،  
میدان وغا چونکه شو پهنای وطن در،  
تسلیم اوله جق خائن ادنای وطن در !

دشمن کلیور مقصدی افنای وطن در،  
قارشی طوره جق عزمنهٔ ابنای وطن در !  
شدت گونی بر لازمه در عرض بسالت ؛  
ظالمیری قهر ایتمه در ایجاب عدالت !  
حق بزده اولنجه اوشه نشاه رسالت،  
تأمین نه حاجت که، ایدر حربه دلالت .

---

[\*] ۱۲۹۳ روس محاربه سنک اثنای اعلاننده تنظیم

ونشر ایدلش ایدی .

دشمن کلیور ، مقصدی افنای وطن در ،  
قارشی طوره جق عزمنه ابنای وطن در !

محصول غزا طور اغمز کان کر مدر ،  
بستان صفا ، بزم وفا ، کنج در مدر ،  
ترهنگه عالمده گلستان ار مدر ،

هر بر جهتی خائن اسلامه حر مدر !

دشمن کلیور ، مقصدی افنای وطن در ،  
قارشی طوره جق عزمنه ابنای وطن در !..

عالمده سبب اولق ایله فوز و فلاحه ،  
خواهشکر ایکن دولتقر صلح و صلاحه ؛  
باق زخمزه ا کدیگی سمگونه ملاحه  
قانع دکل ، اولمش ینه لب تشنه سلاحه !..

دشمن کلیور ، مقصدی افنای وطن در ،  
قارشی طوره جق عزمنه ابنای وطن در !

ای اهل وطن ، عرض جیت کونیدر بو ،  
حفظ وطن و خدمت ملت کونیدر بو ،  
عثمانلیرک شان ایله دولت کونیدر بو ،  
یکجان اوله رق دشمنه صولت کونی در بو ؛

دشمن کلیور، مقصدی افنای وطن در،  
قارشی طورہ جق عزمنہ ابنای وطن در!..

ہر بر نفرہ قارشی چکوب بر قوجہ لشکر،  
سرحد مزہ کلسہ اکر خصم شتمکر،  
عثمانلینک اے عاجزی اولماز آگا چا کر!...  
عسکرلہ برابر اولہ لم یاور عسکر،

دشمن کلیور، مقصدی افنای وطن در،  
قارشی طورہ حق عزمنہ ابنای وطن در!..

عسکرلرک احسانی بزہ خارج تعداد،  
لائقمی کہ بز ایمیہ لم عسکرہ امداد؟  
عثمانلیرہ خاک وطن رزق خداداد،  
خائنلرہ چیکنتیمیہ لم، داد ایدہ لم داد!..

دشمن کلیور، مقصدی افنای وطن در،  
قارشی طورہ جق عزمنہ ابنای وطن در!..

حفظ وطن امرندہ اولوب ہپسی برادر،  
آتشده یاشار عسکر منر عین سمندر!..  
پاٹلار طوپہ قیزمش صاریایر ہربری اژدر!..  
طوپدن چیقہ جق اولسہ عدو قہری مقدر!..



دشمن كليور ، مقصدي افناي وطن در ،  
قارشي طوره جق عزمنه ابنای وطن در! ..

ضابطلرمز بارقه دن چاپك وچالاك ،  
عسكرلر ايدر جان آتهرق دشمني اهلاڪ ،  
علويت شهرتليزنيك شاهدي افلاك ،  
محيي وطن اولسه ده اول مظهر لولاك ،

دشمن كليور ، مقصدي افناي وطن در ،  
قارشي طوره جق عزمنه ابنای وطن در! .

عثمانليكن آوازه سي اعدايه جزادر ،  
هرفردی بو عالمده عجب حادثه زادر ،  
هم مولدي ، هم مشهدي ميدان غزادر ،  
ميدان غزايه ( وطنم ! ) ديرسه سزادر! ..

دشمن كليور ، مقصدي افناي وطن در ،  
قارشي طوره جق عزمنه ابنای وطن در! ..

ماضي دوشونلسه نه چوك نشئتمز وار ؛  
حاله باقيلنجه نه بيوك هيئتمز وار ،  
بيك قلعه دشمنده بزم رايتمز وار ،  
صلحي سورز ، حرب ايده جك جراتمz وار !

دشمن کلیور ، مقصدی افنای وطن در ،  
قارشی طورہ جق عزمنہ ابنای وطن در ! ..

مانع اولہ ماز حرب بمنزہ قلت مقدار ،  
مانند نفر خدمت ایدن حضرت سردار [.]  
بر اردو قدر ہمت ایدر آندہ بیدار ! ..

صبیانہ وارنجہ ینہ خلق اوللی بیدار ،  
دشمن کلیور ، مقصدی افنای وطن در ،  
قارشی طورہ جق عزمنہ ابنای وطن در ! ..

حامی وطن ، حامی دین ، حامی ایمان  
سردار ایلہ مختار ، سلیمان ایلہ عثمان [۱]

اعدامزی تدمیرہ ایدر لرسہ دہ پیمان ،  
آنلر کبی ہر فردہ دوشر غیرت وادمان :  
دشمن کلیور ، مقصدی افنای وطن در ،  
قارشی طورہ جق عزمنہ ابنای وطن در ! ..

آنلر کبی نادر ، او قدر ماہر وقادر ،  
عسکر دہ بولنماز دیہ مم خیلی نوادر ،

---

[.] سردار اکرم عبدی پاشا .

[۱] اردو قوماندانلری مختار ، سلیمان و عثمان پاشا لار .

## المهام وطن

خلق آنلره مغرور اوله جق اولسه روادر ؛  
آنجق شو جهت خاطره اولسون متبادر :  
دشمن کلیور ، مقصدی افنای وطن در ،  
قارشی طوره جق عزمنه ابنای وطن در ! ..

غوغایه بوکون ملتتمز عازم وجازم ؛  
عسکر سفری ، دولت ایدر جمع لوازم ؛  
بیگلرجه کوکللی آلایی اردویه عازم ! ..  
بزدن وطن اولادینه تشویق نه لازم ؟ ..  
دشمن کلیور ، مقصدی افنای وطن در ،  
قارشی طوره جق عزمنه ابنای وطن در ! ..





## زیارت

السلام ای کتیبه علیا ،  
وطن او غرنده جان ویرن احیا ،  
ای شو وادیده خاک اولان عسکر ! ..

سزی کلدک بوکون زیارته بز ،  
بزی احیا ایچون دکلی که سز  
اولدیگز نازل چه مقبر ؟ ..

بری زائرلرک ایتالیا ندر ،  
بری موسقوف که پک نمایاندر ،  
فکر تقدیسی ایلش رهبر .

ای وطندن اوزاق دوشن شهدا ،  
اوینی بارقنی ایدوبده فدا  
جانسپارانه حرب ایدن ارلر ! . .

جنت اولسون مقامگز هر دم ،  
سزکه ماضیگری بیلن آدم ،  
دانه اشکنی نثار ایلر .

بونده هر کس بوکون سفر بردر ،  
منزل آنجق غبار اسمردر ،  
اولماسون روح پا کگز مغبر .

شیمدی بز طوغریلوب دگیزده یوله  
باقارز دوردن سواستوپوله  
گورینور فوقکیزده برپیکر .

انکلیزله فرانسه عاند ،  
شومزین مزارلر زائد ،  
سزه کوگدن اینر فروزیور !

او وطن درکه اويله چهره نما  
گون باتارکن نه خوش طورر ، گویا  
تتره اولادی اوسته مادر ! . .

الوداع ای برادران وطن،  
الوداع ای دلاوران وطن،  
آه ای مؤمنین دین پرور ! .

که سزا خا ککزده ایلسه یر  
بر بیوک ظل مغفرتکستر  
الوداع الوداع ای عسکرلر ! ...

سواستوپول ، نیسان ۱۲۹۷



ابن المومنین تیاترو سندن برپا رچه که ۹۳ محاربه سنک  
ایقاظ ایتدیکی تأثرله یازلمشدر :

۱

ینه قارشیمده وجه منکسفی ؛  
گو که اورمش تنده کی حمزت ! ..  
روی ارضه نگاه منعطفی ،  
ایکی برق بلا گلیر البت ! ..  
- صانکه نفرته عالم بشره ،  
فلک آرای ارتحان اولمش ،  
گو گدهده مظهر جلال اولمش ،  
باق حضورنده کی فرشته لره !  
- نهده نازک مزاج منحرفی ،  
دوش نازنده لعلگون خلعت ؛  
او قیافته عازم جنت ! ..  
ای وطن ، ای الهه ملت ! ..  
سکا باق آل کفنده برزیت ! ..



۲

بگزییور کهکشانه یاره لرك ؛

موكب رحلتك اودر كویا !

ییلدیرم عكسی در نقاره لرك ؛

سفی آلقشلا یور بروج سما ؟

بشقه بر طرز افتراقك وار :

گوررم بيك هلال نورانی ! ..

ای مه آسمان عثمانی ، [\*]

نه مهابتلی انشقاقك وار ! ...

- فلکی قاپلامش ستاره لرك ؛

محشر اولمش او عالم بالا ! ..

حیرتم آرتیور بنم حالا ،

قدریگی ایلک ایچون اعلا ،

صانکه گلמש جنازه که مولا ! ..

---

[\*] اصلی - تیاترونك موضوعيله توافق ایتك ایچون -

ای مه آسمان قوطانی ! ..

۳

سجده ایتسون جهان بوهیئتکه  
ای پری شفقلباس قتال ،  
بگریور رحلتکده نشئتکه ،  
بر اولور مهراچون کمال وزوال ؛

— سنی اتلافه قیامش ربک ،  
که بشر جرأت ایلدی شقه !  
ستم ایتمه ، وطن ! . . . صاقین حقه ؛  
بزه مخصوص اوله هان سبک ! . . .  
— مرکز ایت برج قدسی رایتکه ؛  
طویلانوب اونده عسکرک درحال .  
رفع ایدر برندای عالعال ؛  
عکس ایدوب تا بو حال اضمحلال ،  
ایلسون آسمانی شرم ایله آل ! . . .

۴

یوق ، نه دن خلقت ایلسون که حجاب ؟  
یز دوشوردک سنی مخاطره یه !

هر يانك اولدى قلزم خوناب ؛  
بوله مام بر نظير او منظره يه ؟

- كوك يوزى صافدر ، بوگوردیگمز  
حالكك عكسى در او مرآتة ! .  
يا قميوب جانب سمواته ،  
ينه ذوق اولدى سنده سوردیگمز ! . .  
- سكا امداده چي قميوب ارباب ،  
بر طاقم خائنان گيروب آره يه ،  
هم صويه حاكم اولدى ، هم قره يه ؛  
او غرادك عاقبت محاصره يه ،  
داخلي ، خارجي مصادره يه ! .

۵

نيزه لرله يارلدى پستانك ،  
گردنك گچدى تيغ وخنجردن !  
ييقلوب قالدی جسم نازانك ،  
قالديران اولمادی سنی یردن !

- نيته کيم خاك ايجنده بيك حشرات  
بسلير مسقطنده اجسادك ،  
بوليور نعلشك اوزره اولادك ،  
هر جريحه كده برغداي حيات !  
- نه بيو كدر سنك بواحسانك !  
دها شيرين اوشير مادردين ،  
دها رونقلي رنك خاوردين ،  
دها قدسي غبار مقبردين ،  
دها رنكين حياض كوثردين ! ...

٦

صاچلرك صانكه تاج سبحاني ،  
يري وار ايتسه غبطه لر مريم !  
نصل اولمش اوراس روحاني  
قره سودالره عجب مقدم ؟  
- گيده جك يرده بز سنك يولكه ،  
سن بزمچون واروب فدا اولدك ! ..  
ئوليوركن بزه غدا بولدك ؛



هې صارلدي يته سنك قولگه ...  
- بزه سنسك الهه ثانی ! -  
سن وار، اول روح اقدسه محرم ؛  
اوله لم بژده غرقه ماتم .  
قاپلاسون عالمی ظلام عدم ،  
کون یوزی کورمسون بنی آدم ! ...



## اردوی ہمایونده بر شاعر [\*]

نہ در شو مشجر ابدان ، شو کوهسار حدید ؟ ..

یورر کنار و میانده گاہ گاہ بدید

لہیدن درہ لر ، خا کدن بلوطلرلہ ،

اورر سمای اساطیرہ ضربہ تہدید !

ایچندہ نور حقیقت ، او بر جہان ظلام ؛

دو نر اشارت ایدنجہ خلیفہ اسلام ،

طورر ، کیدر .. بوقیامت آنک موا کبی در .

طورر گذرگہ صیتندہ چین و ہند سلام ،

ایدر بوصیتی ہرملرلہ قافلر اعلام ،

شو برجلر او بیوک ہیئتک کوا کبی در .

---

[\*] ۱۳۱۳ ہونان حربی مناسبتیلہ انشاد اولشمدر .

گورونمور، زه یه کیتدی عسکر یونان ؟  
خرافه میدی عجب نام لشکر یونان ؟  
نصل او قوم حکیم اتحاره ویردی قرار ،  
قبول ایدرمی بونی عقل منکر یونان ؟..

ایچنده یوقسه ده آثار زهره و مریخ ،  
دکلیدر متشمس مکر بزم تاریخ ؟ ..  
بزم هلال سنك مشتری یه فاقدرا !

نه اولدی گوردیگنر ایشته نتیجه ضربه ،  
گیررمی شیر ژیانلرله کر به لر حربه ؟  
او تجربه بویمان انتها یه سائقدر .

حضور فکرت ایله ، چهره مبشر ایله ،  
شب درازده تعقیب صبح محشر ایله ،  
یورر ایکن بو عسا کر نجوم زاهره دن  
کلیر اشارت وحدت دلیل هیتمز ..  
حقیقوب خطاب اخوت ریاح ساهره دن  
عیان اولور متموج سیاده رایتمز .  
زمینه رعشه رسان ، آسمانه کوشنواز ،  
نه در شو جم غفیرك قویاردینی آواز ؟ ..

چيقان او مشجره دن بانك « الله الله ! » در ؛  
 افقگرنده آنك روحلر قیلار پرواز ....  
 دیلر سه متحد اولسون بتون معاهدلر ،  
 مکنونات موحددر ای مجاهدلر !..  
 موحدین کرامت ظفر ندالری در ،  
 بوسس ، ملکلری بالای عرش اعلادن  
 قیلار ، زمینه توجهله ، جبهه سای سجود ،  
 اولور محیط بوصورته زیر وبالادن  
 تکرر ایلهرک نام خالق ذی جود ؛  
 اورعد وبرق مهابت نفر صدالری در !..  
 تفنك و طوپنه خصمك گلیر او آنده سکوت ،  
 او آنده عالم اسلامه عالم ملکوت  
 اولوب قرین ، ایدر آغوش انحدادی کشاد !..  
 اولیمب [\*] نامی بزم غندمزده مظلمدر ؛  
 یشیل صارقلی شو علوی جبال مسلمدر ؛  
 شریک مذهبمز سرو و کلبن و شمشاد .

[\*] آلهات اساطیریونانه مسکن اولان طاغ .

حاشیه طابع



اوت ، عسا کر شاهانه در بو عسکر لر  
که دین و دولت ایچون جان و یروب آلیر لر کام ،  
- هجوم ! - امری آلتجه او شیر پیکر لر  
نه طاغ مقاومت ایلر ، نه برج و استحکام .

بزم جناح بودر ، کوردیکک شو محشر ناس ،  
سزگکی ده قاچور ایشه بر آلا ی نسناس !..

بودرد مهلکی ایصال سمت درمانه  
ا کر مرام ایسه جدّا ، شو آنده توبه کنان  
بتون الاله لرک ، بتلرکله ای یونان ! .  
دخالت ایت کوره لم تخت آل عثمانه .

ا کر بو وجهله اولما زسه گز بو کون تائب ،  
یارین بئم نظر مده اولورسگنر غائب !..



## الهام نصرت [۱]

بیله گمی بوگون حدیکی ای دشمن مغرور ،  
ای دشمن حیرت زده ، ای دشمن مقهور ،  
گوردگمی که ترك اردوسی ایسترسه ایدرمش ،  
آلچاقلری برقات دها آلچالمه یه مجبور ؟...

ترك اردوسی در ملتک اولاد کرامی ،  
کیت خوار و زبون معبدہ تقدیس ایت اونامی ،  
مجروح و محقر جبر و تکیه برابر  
بر عمر ذلیک سکا لازم سه دوامی !!

---

[۱] اعدای وطنک چناق قلعه دن خائب و خاسر چکملری  
اوزرینه و شرفلتقی اولسان اراده سنییه بناء تنظیم و تقدیم  
اولنان نشیده ..

ترك عسكرى عسکرلکی تام ایلدی اظهار  
سن ظلم ایله قاهر ، اوفقط عادل قهار !  
وحشیلکک اولسون سنک ای قوّه نامرد ،  
انسان صفتندن او اړک طالب زنهار !.. [۱]

ترك اردوسنک یاپدینخی الواح تحیر ،  
کوستزدیکی آثار تجلی وتفکر ،  
تاریخه وله بخش اوله جق آبدلردر !  
ایتمش دینیلیر معجزه لر دوری تکرر .  
ترك عسکری ، ای مملکتی قورتاران اولاد ،  
سندن فیضان ایتدی بوامداد خداداد ،  
سنسک او بهادرکه بوکون دشمنه قیلدک  
سینه کله چناق قلعه یی بر قلعه پولاد !.

[۱] (زنهار) و (زینهار) صورقلرنده یازیلان بوکله فارسیه  
ایکی معناده مستعملدر: بری (صاقن!) ( اولیه که!) معناسنه ادات  
تخذیردرکه عثمانلی ترکلری بو مقامده استعمال ایدرلر . دیکری  
(امان) ، (عفو) معناسنه اسمدر. فردوسینک،

چو زنهار خواهیم ، زنهارده  
که زنهار دادن ازیں کاربه !

یبتنده اولدینی کی بوراده معنای ثانی اختیار اولنمشدر .  
( حاشیه طابع )

## الهام وطن

سکران ، متعظم و معظّم ايکي حائل  
اولدی صدماتکله سنک ظل کبی زائل؛  
اونلر کوره جکدر سنی ایتدجه تخطر  
برچهره دهآش ايله برینجه صائل .  
عسکرله رها بولدی بوکون دار خلافت ،  
خندان سرور اولمه ده دیدار خلافت؛  
تا یوم قیام عالم اسلامی نه موطلو ،  
شادان ایده جک نورنکه دار خلافت !  
منت سزه ای لشکر غازی مؤبد ،  
رحمت سزه ای جیش شهیدان مخلص ،  
گورمکده بوگون سزلی ملتله برابر  
تجیله سزا حضرت سلطان محمد .  
عجزمله برابر سنی بن ، چاکر اسلام ،  
تبریک ايله فخر ایلرم ای عسکر اسلام ،  
ای سنجاغنی گوکلره اعلا ایدن اردو ،  
ایتمش سکا تودیع اونی پیغمبر اسلام !..

\*  
\*\*

چناق قلعه بر ساحهٔ پرشرف ،  
جهنم فقط اوندن اھون ، اخف ؛  
مھالکله سرتابیا رو برو ؛  
زمین وسما ، دشت و دریا عدو .  
نه روز و شب آندہ ، نه شام و سحر  
نه انجم معین ، نه شمس و قمر  
نمایاندی ، آنجق او هنکامده ،  
او هنکام علویت انجامده ،  
مہابتلی بر لوحهٔ موجه زن  
کہ ہر موجه خونپاش و آتش فکن  
مشابہ گھی ماہہ ، گہ اخترہ ،  
گھی برق شمشیرہ ، گاہ اژدرہ ،  
عروجندہ ہمراہ داد غریو  
سری متصل چرخہ مانند دیو .  
ہبوطندہ ہمضر بہ زلزلہ ،  
خیالاتہ رھبر چہ اسفلہ  
نہ شیدر بو ؟ .. تاریخہ ایتدم سؤال ،  
سنوح ایتدی بردن حقیقی مال :



خیالات او هپ دشمنك عسكری ،  
 كه قاحقده هر آن او گوندن بری ؛  
 تموج قیلانسه ظفردن نشان  
 لوای شهنشاه عثمانیان !

\*

\* \*

ای ترك ائنده بارق اولان رایت ظفر ،  
 عشقكه بر غضنفر نار اولدی هر نفر ؛  
 بخشنده سر مدیته بر بشقه زیب و فر ،  
 اولسهك دگر بروج ایله گوكلرده همسفر .  
 عشقكه اولدی مهلكه لر ملجأ و مدار  
 بیکلرجه ارلر ایلدی ترك دیار و دار ؛  
 وارسنده مغنویته بکزر بر اقتدار ،  
 ایتدك لقای منجمد موتی جذبه دار .

سنباق یرنده ایشته ، دیر عسکر : بنم صلام ! ..  
 اوندن اولوم گلیر ، اوڭا کلز فقط الم ؛  
 چوق یرده گرچه خادم اولور سیف ایله قلم ،  
 آنجق وطنله ملتی تمثیل ایدر علم .

شاعر اعظم عبد الحق حامد بک، اون سکڑ سنه اول ارتحال  
 ایدن والدہ مکرمہ لری ایچون اوزون بر مرثیہ منظومہ یازمش  
 فقط تدوین ونشری بالقان محاربہ سنک موجودیت ملیہ مری  
 تہدیت ایتدیکی بر زمانہ مصادف اولمش ایدی . مادر وطنی نک دردینی،  
 مادر ذاتینک حزن هجرانیله تألیف ایدہ رک ، ابداع ایتدیکی نشیدہ  
 مذیلہ عیناً بورایہ قید اولندی . درت دولت متفقہ آره سسندہ کی  
 اختلافات معلومہ نک تحدشدن اول یازمش اولان بو منظومہ ،  
 قیمت ادبیہ سیلہ برابر ، وقایہ اولدن کشف و اخبار ایتک کی بر  
 کرامت سیاسیہ یی ده محتویدر :

والدہک شمدی نابدید ، آنجق  
 ینہ بر والدہک وار ای حامد ! . .  
 سن دعا ایت همان اووار اولسون .  
 چونکہ اوندن طلوع ایدر هر کون ،  
 نیجہ بیگلرجه والد ومولود .  
 اونک اولادی اردو وار موجود ،  
 کہ یولنده فدای جان ایدیور :  
 اونک اولادی ملت و دولت .

گرچه خائنلر ايتديلر مجروح ،  
 قلماز آنجق او بر زمان بيروح ! . .  
 بولنور همده چاره علت ،  
 که تظاهرده در علاماتی :  
 يعنی ملی اولان مدافعه لر ؟  
 خواب پر اضطرابدن صوگره  
 اثر انبياه ، اشارت خير ! . .  
 قلوب اجداده امثال اولاد ،  
 بر گون انسان اولورده حقیقه ،  
 جانورلردن انتقام آلیرز !  
 یاشاسون ! مادر وطن یاشاسون  
 که بوگون بزلری اودر یاشادان !  
 سینه سندن او بخش نعمت ایدن  
 آنا ، بزدن امید خدمت ایدر .  
 آلمان نارینی او والدہ نك  
 بزى ئولدير مسین اونی یارادان ! -  
 حق نصیب ایلش نه موطلو سگا :  
 یاشادك سن ده سایه سنده اونك .

ینه محضا اونك توجھی در  
سنى شادان ایدن فیوضیله ،  
سكا بر نام و شان ایدن احسان ! . .

اوقو ، بر مسلمانسهك ای قارئ ،  
برینه فاتحه بو آنه لرك ،  
برینه داستان فتح و ظفر .  
احترافات بر فلاكتدر ،  
مانع انتظام تام اوله رق  
منتج انهزام عالم اولور !  
گل وطنداش ، فقط گوجنمه بگا ،  
گل براز سنلی بنلی سویلشه لم :  
كندیكى ذروه یه چیقارمق ایچون ،  
بنی ایندیرمكى مرام ایتمه ؛  
اویله بر ارتقا تنزلدر . -

چیقوركن ، بنم گبی سن ده  
بنی ارقایه اهتمام ایله ،  
بنی ارقایه اهتمام ! . . . او زمان  
هیمنز بردن اعتلا ایدرز . -  
فرقه لر باعث اولدی تفرقه یه ،

صوگره اوندن نه حادث اولدی دوشون !

دشمنه قارشی بر دگل یالکز ،

وطنه قارشی ده بر اولملی یز . ،

دائما بر، ظهیریکدیگر ،

بونده یکجان ویکوجود اولالم ...

اولورز یوقسه خاك ايله یکسان ! ..

یالکز خاك ايله دکل اویله ،

هم ده دشمنله یکدل ویکتن ؛

اولورز ملعتله محکوماً

طبقات زمانه دن مطرود !

گوکده آنجق تمسخر طالع ،

یرده آنجق تفسخ تاریخ !

صاعده طوفان لعنت و نفرت ،

صولده بر حشر و نشر استحقار ! -

برده ماضیه دون ، ییقلمش بر

عالم استخوان ! . . امان یارب

- او بزم آنلی شانلی ماضیمز -

صوگره آتی مؤبداً زندان ! ..

بزه سلطان سلیم اولک او

مشعل مغنویسی اولملی در  
 بو فلاکتده رهبر یکتا .  
 خارجی داخلی مهالکه بز  
 هپ اونکله تقابل ایتلی یز .  
 نوره گلمز خلل صواعقدن  
 ایکیسندن ده بونلرک یانسه  
 یانار آنجق مشاعل ایمان !..

موت ، پیروجوانی بر گوریور ،  
 بزى دشمن ده اويله گورملى در .  
 دائماً همسلوک و هم مقصد ؛  
 بلکه ده اولملی بو محشرده  
 کنجمز ، اختیار من همسن !  
 وطن آنجق اوگون مخاطره دن  
 قورتولوب ، نجم طالع اسلام ،  
 — که دیمکدر هلال عثمانی —  
 اولور البته دافع ظلمت ،  
 قالیر البته ثابت السیران ...

دیدیکم یولده دعوت ایلر ایسهک



## الهام وطن

شانلی تاریخمز اجابت ایدر ،  
گورونور هر طرفده رایتمز .  
عالم انقلابدر عالم ،  
صبر ایله ، سعی ایله ، متانت ایله ،  
وطنی دائماً صیانت ایله  
حیرت افزا نتیجه لر گورولور .  
اوילה برگون گلیرکه والده مز  
بزه البت حیات تازه ویرر .  
شیر مجروح بغته قالقار ،  
نیجه کوه وقلاعه صائل اولور !  
قوریلان تاجلر او گون قیریلیر ،  
چار پاینده درت ذلیل اکیل !  
اوילה طاقمازسه اونلری یاخود  
خونه غرق ایلزسه شیر ژیان !

اوچوک تاجلرکه اصحابی  
کاسه لیس قدیمی سلطنتک ،  
بری آیلقلی بانچوانی ایدی ..  
دیکری سوزده یاور اکریم .

بری قیلمشدی سارقانه حلول ،  
بری ایتمشدی خائناً عصیان !

دردت اوشاق ، عاقبت ، نصل دیهیم ؟ .  
صانکه تصنیع اتفاق ایده رک ،  
علنی رخصتیه اوروپانک  
بی خبر براقدینک که بز ،  
ایتدیلر مال و ملکنی یغما :  
نعمت و نانه قارشی بر کفران ! . .

بزه قارشی اویشدیلر ، لکن  
یه جککر صوگنده بربرینی .  
بزه قارشی چالشدیلر ، بز ایسه ،  
اوینودق ! . صوگره ییلدیرملرله  
اویانوب - اویله بر اویانمق که -  
برده باقدق که هر طرف کابوس !  
بر طاقم خسته فکر و خولیلر  
بزه حالا تحکم ایتمگده !  
اویانقلقده وار دیمک نقصان :

جمله اقوام ایچون ضروری در

اخروی ، دینوی برر غایه ؛  
یاشاماز غایه سز بو جمعیت ؛  
هله بز اخذ ئاردن اول ،  
خصما مزدن عبرت آلمی یز .  
خصما مز که هم ده بر برینه ،  
هم ده بر دینده خصم جان ایدیلر ،  
صوگره بر مقصد ایتدیلر تعقیب .  
کسب قوتله اولدیلر واصل . —  
غایه دنیویه اسلام  
بزی توحید ایدن خلافتدر ؛  
— که سیاسی بو هم ده دینی در —  
عقل ایچون ، نقل ایچون ، سیاست ایچون ،  
وطن وملتک نجاتی ایچون ،  
او بیوک قوتک نفوذندن  
— اونی تحکیمه حصر همت ایله —  
مستفید اولمی علمداران .  
یورومزسهک بو یولده بی آرام ،  
شیمدیکندن وخیم اولور انجام .  
بو معزز وطن اولور حتی

بشقه اولاد ایدنمکه محتاج !  
 قالماز اولاد آخرت گبی ده ،  
 اولورز بر یتیم قوم عقیم !  
 دیلرم بن که احترازنده  
 اوله مخطی بو شاعر نادان .

بر زمان بر کچوک عشیرت ایکن ،  
 قوجه بز دولت ایلین ایجاد ..  
 حاکم بحر و بر بو قوم اصیل ،  
 بو معظم ، بو قهرمان ملت ،  
 صبر ایله ، سعی ایله ، کلیر بر گون  
 ینه اظهار ایدر بیوکلکنی ؛  
 ینه مشروعاً اتحاد ایدرک ،  
 قیلارز اسکی حالی استرداد .  
 قوه عقل و قوه بازو ،  
 ایدر جکدر ، ایدر باذن الله ،  
 خصمی لرزان و عالمی حیران !  
 ای وطنداش سنک قدر بن ده  
 ضربه قهرایله المناکم ؛

بیلمش اول ، لکن اولمادم مایوس ؛

بگا اوی سن ده ایتمه قطع امید :

— خسته باقی و خسته لق فانی ! —

بو تسلیده اول و برده دوشون

الک کثیر التغیرات عالم

شبهه سز ، عالم سیاستدر .

اونی ماهر و مقتدر بر آل

دوندیرر اقتضای حاله گوره .

او تجار بگه دولده بو کون

حکم ایدن شرکت منافعدر .

اشتراک منافع اقوام

دشمنی دوست و دوستی دشمن ایدر .

بوگا مانع دکل نه همدینلک ،

نه ده تدقیق ایدلسه باعثدر

اختلاف مذاهب و ادیان .



( هلال احمر ) منفعتنه مرتب بر مسامره ایچون :

۱

ای نجل پاکی رحلت ایدن مادر حزین ،  
ای رقت مجسمه ، ای جسم بی شفا ،  
قلبنده سڭ بو ملتڭ اوغلکله سن دفین ،  
اول ماتمکله مفتخر ای روح پروفا .  
عقباده بکلیور سنی برعالم صفا !

۲

ای همرو حیاتی گوچن زوجه ملول ،  
گورمزمی زوجه لر سنی شایان مرحمت ؟  
طوغمش هلال احمر ، او بر نجم بی افول ،  
نوريله شائق اولمه ده دنیا و آخرت ،  
عکسیله مبتسم گبی دیدار مغفرت !

۳

بیکس او یولده قالمش ایکن سن ، بو گون سنی  
آج قورمی مادر وطن ای زاده یتیم ،  
دلردگان خاکنه ییخس سه بر دنی  
سن ای یتیم ، سینئه امتده سڭ مقیم ! . .



۴

آغوش رافتنده بو جمعیتک اویو ،  
ایلر شتاب او والده کت آه وزارینه  
اخلاص او قورکن ، عین عبادت دگلمی بو ؟ ..  
ارواح مسلمین شهیدانک مزارینه ،  
خان دوشرایکن وطنک سنکزارینه ! ..



## هلال احمرك و نثرية

گوردم آثارینی مسرت ایله :  
نه یاپماز جهانده غیرت ایله ؟ ..  
سیر ایدنلر عیون حیرت ایله  
عبرت آلسون هلال احمردن ! ..  
متحرک او هیکل شفقت ،  
ناشر حس حرمت ورقت  
یاپماز البته صانع خلقت  
جمله آبداتی مر مردن !  
دستیاری شهریار حکیم  
بونی قیلمقده روزوشب تحکیم  
سایه رایتنده در ، نته کیم  
گونشک نوری در ضیای قر !  
بری ایتمشدی رکز استقلال ،  
بری ایتمکده منع یأس و ملال  
سونمز البت قیزل ، یشیل بو هلال  
قلب ایتده نیر مضمرا ! ..

ینہ (ہلال احمر) ۵ :

یگی بر ستارہ در بو گوکہ طوغری اعتلادہ

علم ہلال احمر ید شفقت نسادہ

اورانک ثوابتیلہ بورانک مخدراقی

براوولوب تنورایتدی وطنک مقدراتی

نہ گوزل مقارنتدر بو زمین ایلہ سمادہ!

بو طرفدہ خصمہ قارشی گیدیورسہ حربہ عسکر،

او طرفدہ موتہ قارشی گلیور دینیر پریلر

براوولوب ذکور و نسوان قوشیور بوگون جہادہ.



## بر مجروح خسته باقیجین

۱

ای رقتک مثلی ، سیاهی خوشنما ،  
همشیره مغز زده ، مبعوثه سما ،  
سن سز یرم اولور ایدی برخاک مسکنت !  
بازوی مشفقکله بو کون ایلدم قیام . .  
ایتمکده هپ جریحه لرم کسب التیام . .  
آچشدی گرچه اونلری بر دست ملعت !

۲

دشمن نشانلری سده بادی افتخار ،  
قلب آچه لردی بلکه ؛ فقط ایتدم ادخار ،  
بر گون اعاده ایلرم اعدای ملتہ !  
اولدم شهید ، عزم ره وحدت ایلدم ؛  
آنجق اشارتکله سنک عودت ایلدم ،  
تکرار ادای خدمت ایچون دین و دولته !

۳

مادر طبعتمده سنک ای دختر وطن ،

ای یادکار مادر سعد اختر وطن ،  
 سن آخرت قرن داشم اولدک بوگون بنم!  
 قورتاردیغک حیاتی بن ایتسه م فدا،ینه  
 روحم کلوب اونک دوشر البته پاینه !  
 دنیا و آخرتده هلالکله سن اوگون .

۴

حرباً تعرضیله حقوق صریحه یه ،  
 دست خودیله آچدیغی مدهش جریحه یه ،  
 اک صوگره کشف ایدر مدنیت بو چاره یی .  
 اولدم هلال احمره بن بویله سجده سا ،  
 بر آستانه در او بنا کرده نسا :  
 سزدن بیلیر دیرم بشریت بو چاره یی .

۵

گلزار صلح ایچنده آچلمش او بر حریم ،  
 ناظر اونک اساسنده در خالق کریم ،  
 میدان حربه اولسده از چوق نظارتی .  
 گورددم سزک هلالی ملکله همسفر . .  
 حاکم بتون قلوبه او بر رایت ظفر .  
 نسوان مظفریتک بر اشارتی !

## مرقد فاتحی زیارت

هر کوشه سنده دهرک نام بقا نشارک ،  
شایسته در دیتلسه عالم سنک مزارک .

قالدک جهانده بر آن ، هر آنک اولدی بردور ،  
ملک ازلدی گویا تختکده همجوارک ،

سنسک او پادشه که بو امت نجیبه  
امصار بخششکدر ، ابچار یادگارک ،

میدان حربی قیلدک سن تختگاه شوکت  
لشکردی هپ مسلح اتباع بی شمارک .

من جسم ایدک فنیاب ، اول روح جاودانی  
دوشدک جدا سن اما ، باقی در اشتارک .

ایتدک موحدینه ملک جهادی مفتوح .  
صلح اولدی آنده جاری فرمان فیضبارک !



ماضي، او پرده غيب اكشاده حضورك،  
آتي اوراه مظلم آماده گذارك.

توحيد ايدى مرامك اسلام ايله انامى  
برلشدى اول اغورده علمكده اقتدارك.

بيت خدايه قونمش جاهك مطاف اسلاف  
طورمش باشكده بلكر بر قوم تر به دارك.

طاقنده منجلى در هپ بينات معنى  
اسرارلم يزلدن مصنوع اولان بودارك.

بر مقصده ايدردى سيف و قلم توجه،  
احكامكه اوياردى قانونى روزگارك.

شمشير قوتنده خامه كدى لرزه بخشا،  
معجزدى مثل خامه شمشير خدعه كارك.

اوقشاردى زلف يارى تدبير عادلانهك،  
چارپاردى فكر خصمه تقرير دلشكارك.

هر شاهه بويله طالع، يارا اولماز اى شهنشه،  
تادر گلير نظيرى بر بويله شهر يارك:

بردم یوزك گولنجه عالم بهار اولوردی ،  
مثل کسوف هر جا ظاهر دی اغبرارک .  
یوقدر سنک غروبک ای نیر معالی ،  
وارشعله دهادن بیك نجم تابدارک .  
بر مجمع سیاست بولدک عقوله چسبان ،  
تابان افقلرندن اجزای تارمارک .  
ارواح مؤمنین در انجم قدر مشاعل  
بالای تربتگدن تنویر ایدر کنارک .  
سن محرق فتدک ای آتش جلادت ،  
سوندک نهایت اما برق اولدی هر شرارک .  
مهد وجودی اولدک برچوق نوادرک سن ،  
خاککدن اولدی نابت اسبابی کارزارک .  
بر ییلدیرمدی نیزهک پیوسته قعرخاکه ،  
بر برج حقنادر ایرمش گوگه منارک .  
باب نجاتی سنسک ای فاتح ، ایلین فتح ،  
مفتاح یابدی آنحق جد بزرگوارک .

هر دم سکا آچيقدر ابواب عرش رحمت،  
تربه کدر اڭ عظيمى فتح ايتديکڭ ديارکڭ.

گوستردیکڭ معالى اهرامدر مسلسل،  
کهسارلر عموماً بالين احتضارکڭ.

پروردکاره ناظر بنياد سربلندی،  
سافلرکڭ آئنده تابوت پروقارکڭ.

ايستر ايدکڭ کهاولسون دشمنله ياريکدل،  
دوران ايدى رقيبکڭ، الله ايدى نکارکڭ.

تختکڭ گتيردى بر دم عميقى قيامه،  
ايلر رکوعه دعوت علوتى مزارکڭ.

هرگون ايدردکڭ احيا بر بشفه جلوۀ عقل،  
بهوش حالتکڭدى ارکان هوشيارکڭ!

حالادخى عقولکڭ سیر حدى در گچلمز  
سيل دموع برله محصور اولان جدارکڭ.

آغوش مادریدن خاک وطن اعزدر،  
آندن دهامعزز بر نوردر غبارکڭ!

سرینجه قضادن بی فرق ایدی دمنده ،  
ذیل رضایی صارمش بازوی ذی مدارک .

تره ردی سجده گاهک اولدجه سن جین سای  
حالا گلیر زمیندن تکیر زارزارک .

هر عزمک ایلشدی تفسیر آیت حق ،  
ظاهر دی ناصیه کده آناری چاریارک .

سیاره وطندر آردنجه پیک خوارک  
ایلر طواف هر سو روح فتوحکارک .

سن یاتدیغک دوشکده بستر دی کله طوب ،  
طوفان خون و آتش گلزار نوبهارک .

ایلر بودم باشکده لیل ونهار مانند  
تشکیل نور وظلمت سایه ک ایله چنارک .

قیلمش طلوع یردن گوزلر بو انقلابی  
بر دوردر مجسم دستار خون دئارک .

قهار منتقمدن هیچ قالمادی مخافت  
سندن بزایلر ز خوف، اخذایت گلوب ده نازک !

آچدی سگا جناحن جانان سرمدیت ،  
ایتدی آنی در آغوش جان جهان سپارک .

اجر عظیم وصفک قیدنده حامد ای شاه ،  
قیل بو ثوابی سن عفو اول گناهکارک .  
مدحکده شاعرانه الهاملر گر کدر ،  
تعریفی یرده بیتمز عرشه چیقان کبارک !



## قبر سلیم اوّلی زیارت

بویرده معتکف اولمش اوچهره حشمت ،  
بویرده مغترب اولمش اونیر شوکت .

شوکانئات کالاته باق نه هیئتده :  
عزار شکنه کیرمش سمایه صدحیرت !

سریر سلطنتی گور تراب ایله مستور ،  
تراب ایله طوله شایسته دیده عبرت !

بویرده منکشف اولمش اوسر یزدانی ،  
بویرده منخسف اولمش اولمعه فطرت .

اوکنده نامتناهی کی قیلار تنویر ،  
پینده سایه سی قالمش بودولات وملت !

عدم جهاننه ایرمش بقا زوالندن ،  
ویرر باشنده کی دستار ، موته برهیت .

عجب نہ حالہ گیرردی طوران حضورندہ ،  
کلیر زوالنہ باقدجہ دلرہ دہشت !

نمات چکمہ دہ پیشندہ مشعل تکیر ،  
حیات قیلہ دہ آردندہ نالہ حسرت .

صلا اینر سربالینہ جوامعدن ،  
اورر منارہ بالادرندہ بش نوبت .

سحر زیارتن ایتمکدہ زهد ایلہ تقوی ،  
طواف ایدر گیجہ قربندہ عقل ایلہ حکمت .

بوشریار دگلمیدی خادم الحرمین ،  
مطاع جملہ اقوام ایکن اوذی قدرت ؟ ..

ادب ، سکونت کبراسنہ طورر دیوان ،  
ذکا ، طوتار جہتینندہ شمعہ تربت .

کتاب حضرت یزدان سرمنزارندہ ،  
اولور بو حال ایلہ پروردکارہ همصحبیت .

همیشہ ولولہ کبریایہ معکس اولور ،  
سکوت ایچندہ بو هیچیسرای پروحدت .



## قبر سلیم اولی زیارت

نظیره پرده غیبه ردای تابوتی ،  
ویا ترابنه ییغمش غزا سیه رایت .

قلم سزادر اولورسه کرسنه ماتم ،  
قیلیج بجادر اولورسه قیده فرقت .

دمنده را کب رخس غزا ، نه آفت ایمش  
عجب بوصاعقه سربسز راحت !

قوپاردی رهگذرنده قیامت اعدا ،  
آقاردی پاینه محشر مثال برملت .

پوشاهه قیلمق اپچون آنده بیعتن تجدید ،  
دکر اولور ایسه دوران سفر بررحلت .

میسر ایلدی مولا زیارت ایتدم بن  
بقایی سیر ایله اولدم فایه بی منت .

پوسایه ابدیتده خوابه وارمش روح ،  
بونورحق ایله پوشیده فکر علویت ،

دمنده نامنه سلطان سلیم دیرلردی  
فدا زیارتی اوغرنده روضه جنت !

نظر دن اولدی ایسه دور ، اولور می خاطر دن  
که ارتحالده در نزد مزده هر ساعت ؟..

جهانه ایندیکنه سوی سرمدیتدن ،  
دلالت ایتمده هر دم براقدینگی شهرت .

اینردی صدمهٔ صیقله بر جلر خاکه ،  
قیلاردی جلوهٔ تیغیله بر قلر رجعت .

برنجی خطوه ده ماضی بی ایلوب تعمیر ،  
ایکنجی خطوه ده آتی یه ویردی بر قوت .

آلنده مشعلهٔ مغنویهٔ توحید ،  
ایدردی شرق ایله غربی ضیاسنه دعوت .

ایکنجی همه مطلق دوشردی هند ایله چین ،  
یتشدی مصر ایله ایرانی فتحه بر همت .

ظلام ایچنده حقیقت تنور ایتشدی ،  
یازق که بارقهٔ عمری سوندی بی مدت .

بوقبه ، تربهٔ سلطان سلیم اول در ،  
بو تربه قبلهٔ عثمانی اندرای امت .

اودکلو ساده که حریتی قیلار تشکیل ،  
اورتبه ساده که علویته ویرر زینت !  
جهانده پیروایدک شاه انبیایه همان ،  
ملوک سائرده پیشواسک ای حضرت !  
چکوب قلنجکی یوکسل مزار پا ککدن ،  
نظاره صالینه بوسافلینه برنوبت .  
حضور سطوتنه داخل اولده ای حامد ،  
بوپادشاهه ، بوخاک سیاهه قیل بیعت .  
سرجلالنه دوکسون فلک ستاره لیرین ،  
خروش وجوش ایده پاینده بیک یم رحمت !..

\*  
\* \*

## نامق کمال بکک نظیرہ سی [\*]

سہابی شعلہ آفتاب ایدر تریں ،  
 بو خا کہ نازل اولور پرتو الوہیت .  
 مکر کہ قلب سلیمک تجسم ایتشدرد ،  
 نہ در بو قبہ دہ کی طور ہیبت وعظمت !..  
 مہابتہ متحجر مثال هول انکیز ،  
 خلافتہ متعالی سہای قدسیت .

[\*] ... سن تاریخ دیدیکمز عمان ظلمتک اعماق خفا سنہ  
 کیر !.. بزه اشبر کی کتابلر یاز !.. اسکندرک اخلاقندن  
 بیوک اخلاق تصور و تصویر ایت !.. سلیم اولک تربہ سنی  
 زیارت ایله !.. او زیارتکده کی حسیاتی او پادشاه عظیم الشانہ  
 ندیم خاص اولان حسن جانک وجدانندن صدور ایتش قدر  
 روحانی بر بلاغتله تعریف ایت !.. سلیم اولک حریت سیاسیہ سنی  
 عثمانلی اصحاب قلبی آره سندہ اک اول تعریفہ نثرأ موفق اولان  
 کمال ، نظمکہ نظیرہ سویلکہ چالشسون !.. سکا قدرتک موبہ  
 مخصوصہ سی آنی اقتضا ایدر ....  
 کمال بکک ۴ ربیع الاول ۱۲۹۹ تاریخلی برمکتوبندن .

کونشمیدر متواری سحاب خاکنده ،  
فلکمی پاینه اینمش نهدر بو علوت ! .  
نهدر بو شکل مهینده کی جلال غریب !  
رواق عر شمیدر بو جهان ملیت ؟  
ایدن سنک ید بیصای اقتدار کدر  
سریر نخوت فرعونی غرقه خیت .  
بقای معجزه احمدی بی کو ستر دک  
خرابه طاقنی کسرانک ایلدک همت [۱]  
یارلدی طاش یورکی غیظ ایله هلاکونک  
ایدنجه سنده خلافت کالنه عودت .  
بیقیق کوکلری انقاض تخت و طاقیله  
بتون جباره نک ، ای گزیده فطرت ،  
خرابه زار جلانده قیصرک ، سنسک  
ایدن بناسنه دارالحلافه نک خدمت .

[۱] بوراده طاق کسرادن مقصد ، اکا سره عجمک بنیان  
شوکت و شانی در . اصل طاق کسری ، سلیم اولک جانشینی اولان  
سنان قانونی زمانده قلمرو آل عثمانه انتقال ایتشدی .

س . ن

بناسی طاش یور کندندر اول جبارہ نک  
بودر شوقبر مبارکده کوردیکم دهشت .

خطا دکلی آنی شمس عصره بکزتمک [\*]  
اگرچه سایه ممدودی سوردی آز مدت ؟ . .

بودوره دک ینه فیضیله نور بخش اولیور ،  
بوعصره دک ینه ظللیله بولدی دیمومت .

---

[\*] ابن کمال مرحومک حضرت سلیمه اولان مرثیه  
مشهوره سنه تلمیح در :

تاج و تخت ایله فخر ایدر بکگر ،  
فخر ایدردی آنکله تاج و سریر .  
آز زمانه چوق ایشد ایتشیدی ،  
سایه سی اولمش ایدی عالمگیر .

شمس عصه ایدی عصره شمسک  
ظلی ممدود اولور زمانی قصیر

بداهتنده ضیا به عذیل اولان اسلام ،  
جهانی کولکه سنک خوفی تتره دن دولت .

حیات ملت اسلام سایه سنده ایکن  
بوروح اقدسه میت دینیرمی ای آمت ! .

غرب براسدالله ایمش که ویرمشدر ،  
تراب قبرینه شیرژیان قدر هیبت

خلافت ایله اماناتی سن کتیرمشدک ،  
سنک مزارک اولور شمدی کعبه حاجت .

علوشانگی طوپراقلر ایلور اظهار ،  
ضیامیدر سنی ترکیب ایدن اوماهیت ؟ . . .

نشین تخت سلیمان اولان سلیمانک [۱]  
کچوک دی قدریکه ، اقدام وعزمکه نسبت ،

وجودی قبله اسلام ایدی زمانده ،  
« مزاری قبله عثمانیاند ای آمت ! . »

---

[۱] مخدومی و خلقی سلطان سلیمان قانونی .

## الهام وطن

کوفشده رسمکه خدمتله افتخار ایتسون ،  
فوطوغرافک طورییور ای خلاصه فطرت !

یکانه وارث صدیق نسل عثمانی ،  
خلیفه عمری هیبت وعلی سطوت .





## طیاره شهید لرینه

نه سسدر عکس ایدن طیاره لردن ؟ . .  
حزین ، لکن نوای شان و شهرت .  
صدا چیقسه اگر سیاره لردن ،  
کلیردی شویله بر آواز حسرت :

بزمله نوری و فقی و صادق  
ملاتی اوله دن کچمک نه لائق !  
خدایه کچمه در ، کوچک دکل ، بولک  
شهادتدن بیوک بر بشقه پایه .  
سمادن دوشدیلر دیگر سمایه :  
صلاح الدین ایوبی به قومشو .

فضایم ای ابعاد مفاخر ،  
زمین آرای ادوار مآثر .  
گلن سسلرده وارمادرلرندن ،  
اوبی همتا وطن دخترلرندن :

آیپردی سه قضا، وجدان اسلام  
آیرماز اونلری دادرلرندن .  
دوشر طیاره لر ، آنجق گورلسون ،  
نه لر چیقمقده ترك عسکرلرندن !  
بو ملك وملتہ روحاً وفادار ،  
مہالکجو ، شجاعتر ، فداکار ،  
وطن پیرا ، شرفبخشای ملت ،  
سہاپایہ ، ملکخصلت شہیدان ،  
معلّا بر اولوملہ ترك عالم  
قیلوب بخش ایتدیلر ، گریان و خندان  
قالان جمعیتہ بر شانلی ماتم !  
حیات افزا بو بر شاہانہ رحلت ،  
او مردانہ میسر مش نہ دولت !



## ضیاءات

۱

ضیا ، ساعیسی بر قوم غریبک  
سن اولدک عرش رب ذوالجلاله .  
نه اولدی درگه حقدن نصیبک ؟  
نه دیرلر آسمانیلر بو حاله ؟  
نکاهک نزد حقدن سافلینه  
دوشوب آمالنی قیلمقده تجدید .  
اولور تیغ زبانک ظالمینه  
حقیقت برله برق انکیز تهدید .  
طولار صحن وطن اولدم ضیادن ،  
آکارلر نامکی یردن ، سمدن .

۲

جهانده خود پرستان کبارک  
آلردک عجزنی تشهیردن ذوق ؛

فقط اثبات ایدردك اقتدارك :  
دیلسهك كوستروب مادونی مافوق .  
همیشه عادتك شوق و شطارت ،  
كولردك جمله اشیایه دمنده ؛  
نه آفتدك بو حكمت عالمنده !  
بتون آفاقه قارشى پر حقارت ،

كدرله اكلنیر ، شادان اولوردك ،  
بوكون دانا ، یارین نادان اولوردك .

۳

اولانلردن برى سنسین مسبب  
جهان شعرده بر انقلابه .  
تمام اسبابی شرح ایتك نه موجب ،  
ظفرنامه ك- كه بر طاق ظفردر-  
كه فتح ملك معنایه اشارت ؛  
ویرردی اهل معنایه بشارت ،  
كه آتی ادب پرزیب وفردر ،  
طلوع فكر حریتله روشن ،  
حقیقت منكشف ، بزم سخن شن .

۴

بو خلقه ترجان اولمقده سین سن  
کیدوب صیتک زمیندن آسمانه ؛  
حضور حاکم مطلقده سین سن  
کلیر نالشلرک بو خاکدانه .  
فضای لامکان محشر ملکدن ،  
ایدرلر انتظار حکم اعلام ؛  
اگر دیرسهک که مظلوم اولدی اسلام :  
سکا شاهد چیقار یردن ، فلکدن .

ضیا سنسین بو جمعیتده معصوم ،  
قالانلر جلهٔ مسئول و محکوم !



## شناسی مرحوم

۱

ای حضور گده زائران مبهوت ،  
ینه سن سین عیان ممانگده ؛  
متفکر ایدك حیانگده  
دینیلیر فکر پریشانگده  
ملحق اولمش سکا بو ملك سكوت .  
حال یأس و کدورتگی دیسه م  
ظاهر اولمش غبار شکننده ،  
اوتفکرلی حالتگی دیسه م  
متجسم مزار شکننده !..

شاعربی نظر ایدك ، حالا  
منتشر مقبره گدن اول معنی .

سیلر بحر بی کنار گدن  
 انشعاب ایتدی خاک دنیایه ،  
 که دوزلر یتنه او دنیایه .  
 سنک ای ساق معرفت سایه ،  
 یاغلر چیقدی برک و بار گدن .  
 نوبنو جامه ایتدیلر الباس  
 شعر و انشایه چوق مقلدلر ؛  
 سن فقط ایلدگدی وضع اساس ،  
 کلدی سندن وجوده موجدلر .  
 او یله بر مکتب ایلدک بنیاد ،  
 چیقدی تلیدلر بتون استاد !

اوچه جق ظن ایدر آچوب شهر  
 ایلینلر طواف مقبرگی ،  
 ابدیت خطیبی منبرگی ؛  
 کوردم مرقدگده پیکرگی  
 ازلی القیام بر محشر .

ایکی افرشته در جناح کشا

جهتینک کمال ایله اکرم ؛

بو قیافتده شعر ایله انشا

اولش آرامگاهکه محرم .

سندم در متبسم لقای وطن

زائرانک قیلار ثنای وطن .

۴

بحث ایدرکن کمال و اکرم دن

اونودلماز بری سزایی در ،

که سکا وارث خدایی در

بر مثال بدیعه زایی در ،

اوده سندن ، کمال و اکرم دن .

اولدی الهام قدرتکله سنک

متزلزل جهان حسیات ،

بولدی تشریحی شیوه کهنک

سایه فطرتکده تازه حیات .

ادبیات ، اودم مزارستان ،

آنی سن ایلدک بهارستان !...



۵

آطنه شهری که عبارت در  
نزد مرده بوکون ضیا پاشادن ،  
اویله در متزاک دیار سخن .  
نیک و بد سربسر شئون وطن  
بشقه بر عالم سیاست در .  
کیمسه آلمشی بویله بر مسند ،  
کیمسه کورمشی بویله بر محراب ،  
بویله هر دم حیات بر مرقد ،  
بویله معالی بر سپهر تراب ؟

بارک الله شناسی مغفور ،

دائما صیتی : شاعر مشهور ..

۱۵ نیسان ۱۸۸۴



## ابن موسادون :

وطن عزیزم تنده قومك دليل راهی یم  
غزا یولنده بر کتیبه نك امیدگاهی یم  
هوای وصل یار ایله حیتیم می قالماسون ؟  
که بن بتون مجاهدین امتك پناهی یم .  
تماس لعل یال و بال ایله حرارت کچرمی هیچ  
که بوس تیغ آبداره تشنه لب سپاهی یم .  
دگر می قلبگا همه خدك غمزۀ نگار ؟  
که زره شرع پاك ایله مسلحیم ، مباهی یم .  
جهاده عزم ایدنلرك بو عبد خاکساری بن ،  
شهادته ایرنلرك حضور حقده شاهی یم !



## ادیب الهام نصیب جلال نوری بک افندی

سرور ایله او قودم - اتحاد اسلام - ی  
دوشوندیکم کی بولدم ، نه لازم اعلامی !..  
مرام او وحدت مشروعه نك تأسسی در  
که شمدی آوروپانك غایه توسوسی در .  
نه شبهه ؟ اوندن اولور منبعث خصومتلر !  
بیوک ، کوچك بزی تهدید ایدن حکومتلر ،  
او اتحادی تصور قیلنجه رعشاتدر  
اگرچه شمدی او بر قوه پریشاندر ،  
یارین فضای شریعتده طوپلانیر البت ،  
جهان کورر اوزمان بر جهان ذی هیبت ! -  
او آنده خلغمز آکلار ، بلا اقلیت  
دیانت اولدیغنی بزجه محض ملیت ؟

## المهام وطن

سیاست اولدیغنی ساحه شریعتده ؛  
شریعت اولدیغنی رحله طبعته ؛  
— صلیبه ایتمک اوزره اعاده آلام ، —  
خلافت اولدیغنی رأس واحد اسلام !  
و بزرگه حضرت عیسیای اولمه مش بیلرز ،  
اونک دخی او زمان ساحه سنده یوکسلرز :  
هلال ، سمت سمان ایدوبده رفع ظلام ،  
ویرنجه ارض چلیپایه مشفقانه سلام ،  
او کون عدالتمزدن بشر قالیر خوشنود ؛  
تمرّد ایتسه حیلولتنده غرب غنود ! —  
بیوک کتابکزی بن همان دکل تبریک ،  
دیلردم ایتک اوتبریکه جمله یی تشریک .  
نه در تعین ایدر چاره ، چاره علت ؛  
اولنجه سوزلرکز نقش خاطرملت .  
او هپ نقود حقایقدر ، ادخار ایدرز ؛  
خزینه کزله تصدق وافتخار ایدرز .

۲۷ نیسان ۱۹۱۳

## نامق کمال بگمک غزلنه نظیره

بو ملکک خلقنی سویلت سکا فریاد لازمسه،  
او خلقک ملکنی سیرایت خراب آباد لازمسه!  
سکا بیداد دوران زماندن داد لازمسه  
زمان داد ایتسونمی سندن ای بی داد، لازمسه!  
بو کونکی صاحبانیله حریم خاک موطندر  
نگاه عبرته بر مجمع الاضداد لازمسه  
کس استقبالدن امیدی هنکام حکومتده  
نظام حال ایچون ماضیدن استمداد لازمسه  
دوشرسک آل و اولادکله هیچستان نسیانه  
علوشان دیوب اجدادکی تعداد لازمسه!  
سر معصوم خلقی دشمنه تسلیمه موجب یوق  
که قتل عامه ارکانک یترجلاد لازمسه  
هپ اولاد وطنمی نامراده یتیم اولسون ؟  
سکا ای دادرخونریز، برداماد لازمسه !.

## الهام وطن

بیقلسون یاپدیغک معموره بنیاد خرابیدر  
اگر اعمارملکه دست استبداد لازمه!..  
منجّم قولنه حکمت نه درکیم استناد ایتدک؟..  
خطایی صکره دن ییلدیزلره اسناد لازمه  
نه لازم تابع منقاده بر ظالم رئیس اولمق  
رئیس ظالمه بر تابع مقاد لازمه  
سرای اصحابی زندانده هپ زنجیره چکسونلر  
اسارتدن وطن مجنوننه آزاد لازمه  
زوانده کمال اظهار ایدر خورشید حریت  
منازاکاه نامقدن [\*] کیچ استشهاد لازمه  
باق اول بالارو ادباره مرقاء سقوطنده  
حضیض سطوت اوزره نفسکی ارشاد لازمه  
ینه ائ حامد ، اول علامه شرقیه کافی در  
شو باب العیض غریبده سکا استاد لازمه .



---

[\*] نامق کمال بک .

## بر تعزیننامه

محب معزز و محترم مشیرافخم فؤاد پاشا حضر تفرینه :

عرض تعزیتکار عاجزانه مدر ،

مخادیم کرامکزدن بر نادرالوجودک دها شهید اولدینی  
خبرینی آنجه حیرتدن حیرته دوشهرک بر خیلی زمان  
لال و ابکم قالدیم . پک متأثر اولدیغمی بیلیوردم . فقط  
اونلر حائز رتبه شهادت ، اونلر برر آبد ، برر آبد  
حمیت و جلادت ! الله اونلره رحمت ایتمشدر . یا سز ؟  
شیمدی ده سزی دوشونیورم .

سزکده اوغرا دیغکز بیوک ، هر معناسیله بیوک ،  
فصل دیهیم ! معزز و مقدس بر فلاکت !

بیوک خلق اولنا نلرک کدرلرنده ده بیوکلک کورونیور .  
پاشا حضر تفری ، مبارک اللریکزی اوپه رک سویلرم که  
سز شهید اولان او قهرمان اوغللرکزک هم حیاتلری ،

ہم دہ ممالکری ایلہ افتخار ایدر بر پدر اولدیکز . اونلر  
صاغلقلرندہ وطن وملت خدمتہ حصر حیات ، صکرہ دہ  
وطن وملت یولندہ وفات ایتدیلر .  
ملت اوغورندہ ، وطن یولندہ اولمک نہ دیمکدر ؟  
افراددن بریسنک یاشامسی ایچون کندی جاتی ویرمکدر ،  
مملکتندن طوپراق ویرمامک ایچون کندیسنی طوپراق  
ایتمکدر . اولوم لطیفہ یہ کلز !

سزک شہید اولان او بیوک اولادکز یالکز وطن  
وملت فداکاری دکل ہم دہ سزک مزایای علویہ کزک ،  
مسلم بولنان بیوک عسکر لککزک یادکاری اولدیلر . - بن  
صاغم اونلر اولدیلر - می دیہ جکسکز ؟

یادکارلر دائمایالی دکلدر ، جسمانی دہ اولور . آبدہ لر  
دائماطاشدن ویا طونجیدن اولماز ، ہم دہ اتدن ، کمیکدندر .  
تاریخلر ، منظومہ لر دایما قلملہ یازلماز ، قایجلہ ، سونکو  
ایلہ دہ یازیلر . حتی فداکارلق دہ دایما اولمککہ تجلی ایتمز ،  
یاشاتق ایچون یاشامقلہ منجلی اولور . سز و اوغللر کز ،  
ای شایان احترام عسکر ، ایشتہ بوتجلیات جلیاہ یہ مظهر سکز !  
اونلر سزدن وطن وملتہ ہدیہ ، سز اونلردن ہیئت  
ساجتماعیہ مزہ یادکار سکز .



بوکونکی کونده، قره دن، د کزدن وطنه نرک سرحدلرنده  
 قانلرینی دوکن، حتی یرده، کو کده تأمین حیاتمه چالیشان،  
 جانلرینی ویرن ضابطه و نفر او مبارک و مظفر عسکرلر منزه  
 و معظّم جدلرینک وارث حسیات و حماسیاتی اولدقلرینی  
 تاریخ جلادتمزک مسبب دوام و انتشاری بولندقلرینی،  
 بتون دنیا به نصل ارئه و اثبات ایتمکده ایسه لرینه او  
 ارلرمیاننده بولونان، هم غازی، هم ده شهید اولوب کیدن  
 اوغللر کزده سزک اوغللر کز اولدقلرینی حمت و حماسه لریله  
 شهر ایتدیلر . نه بیوک مظهریت !

پاشا حضرتلری، کوریورسکز که بردن بره بالقان  
 لکه لری سیلندی. اولکه لری بر یاندن فعال و غیور رجالز  
 آلینلرینک تریله، بر یاندن شجیع و قهرمان عسکرلر منزه  
 بدنلرینک قانلریله، بر یاندن ده یتیم لرله والده لر کوز  
 یاشلریله سیلدیلر . او جانت و اهانت تمغالرینی ییقادیلر .  
 و - اکر دیمک لازم ایسه - بر چوق دشمنی تمیزله دیلر .  
 شیمدی اولکه لرک او تمغالرک یرنده عثمانلی سونکولری  
 دیکلمش، عثمانلی ناموس عسکرلیسی، ترک نام دینی  
 و قهرمانیسی بر جلر، مناره لر کی اعتلا ایدیور .  
 اسلاف و اجدادمزک قبرلرنده کی محزون و مکدر

سرورلر، شادان و فخور او مبانئ عظمت و دیانتله تعاطئ  
تحيات و تحميدات ایدیورلر.

اللهه شکرلر اولسون، پاشا حاضر تلری، بو کونلری ده  
کوردک !

او قانلی، قاتل کیجه لرك، او سیاه رؤیالرك یرنده  
ملت مزك ایام انتباهنی کوریوروز. و او وقت، مظلوم کوردیکمز  
بو کونکی استقبالمزده ییلدیزلر لمعان ایدیور. بونلر او  
فرقه خارقه کوا کبدندرکه ایچلرندن بریسی افول ایدنجه  
اونك یرینه بر قاجی بردن حلول ایدر.

سز اونلرك ده رهبران نور افشانندنسکز، سز او  
اولاد وطنك پدرلرندنسکز.

میدان غزاده اولادلرینی غائب ایدنلرك وجودلری  
قیمتیدر، ذاتلری محترمدر، انفس حیاتیهلری عین  
عبادتدر. اونلری بر حیات کورمکله اردو مسرور و مباھی  
اولور، اونلرك حزن و ماتملری قلب انسانیتی هم تبریکه،  
هم تعزیته دعوت ایدر.

مجلس اعیانده رفقا کزدن و قدماي عجزه احبا کزدن  
بولنان بو عبد عاجز، یکانه محافظ مملکت و قسم مسلح ملت  
اولان اردو مزك بونجه متاعب و مشاق ایچنده بر چوق مهالك

و مخاطرات ایله محاط اوله رق کو ستر مکده اولد قلری ملیت  
وانسانیت بیوکلک لرینه قارشو بتون قدرت حسیه م و اولانجه  
قابلیت شعریه مله برابر کنیدی اعجز بولیورم . او تجلیات  
عسکرانه ، او تعالیات وطن پرورانه لسانله ، قلمله ، بر  
موعظه و یا بر منظومه ایله تصویر و تعریف اولنه ماز . کور مکده  
اولدیغمز فدا کارلقلرک حقیله توصیفی هیچ کیمسه نك  
الندن کله میه جکنی ادعا ایده بیلیرم . بونلر حقنده مدحیه لر ،  
مقاله لری یازلمسی - نه قدر یوکسک یازلمش اولورسه اولسون -  
نجه ثوابت و سیاراته هوائی فشنکلرله تقریه چالیشمق  
قیلندن اولور .

فقط حمد و ثنا و دعا هر کسک الندن کلیر . بنده  
حمد و ثنایر و دعا لر ای دی یورم .

آلتمش یاشنی کچنلرک عمرلری عجول ، کندی لر ی صبر لیدر .  
بنده - من صبر ظفر - دی یوزم .

باقی خاصه و مکرراً اللر کزدن او پر و جتتمکان  
مخادیمکزک روح لرینه فاتحه لر اهدا ایدرم .

عبدالحق

## بر آچیق کتیب

محب عزیزم،

۲۱ مایس ۳۳۱ تاریخی مکتوبکزی قارشیمه آلدیم.  
کور ییورم که شانلی اردو مزك مرتبه اعجازه واران بو کونکی  
فعالیت دلیرانه سندن باحث و مشیر فوآد پاشا حضرتلری  
حقنده کی حسیات تعزیتکارانه مدن منبعث اولان عریضه می  
اوقومش، متحسس اولمش، آنجق عسا کر عثمانیه نك شان  
و شرفه لایق بر منظومه یازمق خصوصنده اعتراف عجز  
ایدیشمی بر آرز شایان مرحمت بولمشسکز .

ایام شبامده - که سزده اوزمان بنمله همسن ایدیکز -  
روسیه محاربه سنی مفصل بر اثر منظوم ایله قارشیلادیغم  
معلومکزدرد: چونکه

ماضی دوشونلسه نه کچوک نشاتمز وار،

حاله باقیلنجه نه بویوک هیئتمز وار!

بیك قلعه دشمنده بزم رایتمز وار،

صلحی سورز حربه دخی جراتمز وار!

## بر آچیق مکتوب

دشمن کلیور مقصدی افتای وطندر  
قارشی طوره جق دشمنه ابنای وطندر  
عثمانلینک آوازه سی اعدایه جزادر  
هر فردی بو عالمده بو کون حادثه زادر  
هم مولدی، هم مشهدی میدان غزادر  
میدان غزایه وطنم! دیرسه سزادر  
دشمن کلیور، .. الخ.

یولنده کی نوحاتمی حالا ایستمکده اولدیغکزی  
یازیورسکنز.

بو کونکی عثمانلی نفری، کچو کدن نشأت ایده رک  
بویوک بر هیئت تشکیل ایدن، بر چوق قلاع و بروجه عثمانلی  
سجاغنی دیکن، صیت و صداسی دشمنلری تیره تن، میدان  
غزاده طوغوب میدان غزاده اولن اولکی عثمانلی نفری در!  
بر پرتاب معنوی، بر خطوه دیوی ایله آنا طولی  
یقه سندن روم ایلی طاغیرینه آتلایان، سکوددن قالقوب  
کیتدکجه بیور بر ییلدیرم کبی قسطنطنیه برج و بارو ارینه قدر  
نزول ایدن، فاتحلرک، یاوزلرک، قانونیلرک، مراد  
رابعلرک اردولرله مملکتلر، دونانمالرله دکیزلر فتح

وتسخرایا یلین ینہ بوکونکی عثمانلی عسکری درکہ وطنمزک  
برو بخرندہ کیجہ کوندوز خارقه لر کوستروب طور ییور.

أوت ، عسا کر شاہانہ در بو عسکر لر  
کہ دین ودولت ایچون جان ویروب آلور لر کام  
— هجوم ! — امری آلتجہ بوشیر پیکر لر  
نہ طاغ مقاومت ایلر ، نہ برج واستحکام !

کبی اوصاف ایله یاد ایتدیکم تسالیافتخندہ کی ترک عسکری  
اللہک احسانیلہ بوکون ینہ موجود ، و

— نہ در شومشجر ابدان ، شوکوہسار حدید  
یورر ، کنار و میانندہ گاہ گاہ بدید  
لہیدن درہ لر خا کدن بلوطلرلہ  
اورر سمای اساطیرہ ضربہ تہدید

یولندہ توصیف ایلدیکم اردوی ہایون ، ینہ چوق  
شکر ، موجود ومظفر ومسعود اولوب استانبولی فتح  
ایدنلرلہ استانبولی مدافعہ ایلینلر بینندہ بر فرق وار ایسہ  
شوندن عبارتدرکہ عثمانلی اردوسنی بر مرتبہ انتظام ومکملیتہ  
ایصالہ جدأ ہمت اولنیور. بوکون وطن وملتی قورتارمغہ  
چالیشان قوای عسکریہ عثمانیہ ہم سلفلرینک عظمتنی

## بر آچیق مکتوب

تکرار ، همده او عظمته منضم اولمش برترقی اظهار  
ایدیورلر .

بابا اوغل بیوک یارادیلان بو عسکرلرک ، انسان  
قیافنده بوارسلانلرک ، وقت حربده ارسلان ، وقت صلحه  
ملکرکی مسلح اولان او علوی مخلوقلرک آفاق عنزم  
ورزمی تنویر ایدن ایزلرینه باقلسه اوچ بیوک قطعه  
عالمده جریان ایتمش بیکلرجه وقوعات وفتوحات کوریلور!  
مثلا ادرنه ، قوصوه ، اینه بولی ، چالديران ، ردوس ،  
کرید ، مهاج ، پروتدن سلستره ، پلونه ، چتالجه ،  
چناق قلعه یه قدر بی حد و حساب تاریخی ماضی وبلکده  
مستقبل فتح وظفرلرله برابر بی حد و حساب مراتب  
علویه شهادتی اکتساب ایتمش ضابط و نفرلر تجلی  
ایده جکی کبی ، عین زمانده اونلرک آثار دیانت و صنعت  
و انسانیتندن اوله رق معلاقه لری ، سماره مناره لریله  
جامعلر ، ترسانه لر ، خسته خانه لر ، مدرسه لر ، چشمه لر ،  
عزرعه و مرعالر ودها نیجه نیجه میادین و مبانی فعالیت  
و معرفت و نیجه نیجه خیرات و میرات کوز اوکنه کلیر .  
شبهه یوق که

آزاده اولایدیلر سفردن

براردو چیقاردی برنقردن

فقط ترك عسكر لرینك آرام و آزادیسنى اخلاص  
 ایدن كندى خلقتلى، ياخود دین و دولتلى دكل، دین  
 و دولتلى نه تعرض ایتك ایسته یں اعدای ملك و ملتلى در.  
 بونك ایچون حضر دن سفره کیمکه مجبور او وفادار  
 و آتی پرور ترك عسكرى جانبیار و جنك آور اولور.  
 اوت، بونك ایچون، اومتدین و مصلی انسان، اوصاف  
 و طاهر مخلوق، فعال و متوكل، راعی و رنجبر، قهرمان  
 و فدائی بر عسكر اولور.

کوریورسکزرکه بو آدم، راعی و یامعمار، غازی و یا  
 شهید، وطنمزی هم تزیین و تطمین، همده تخلص و تأبید  
 ایدیور.

ترك عسكرینه منسوب اولدیغى ملتك عرض و اعلان  
 شكران ایتامسى عین کفراندر. انسانیت ایچونسه اونك  
 حقنده بدخواه و بدین اولق ذل و خسراندر. خصوصیه  
 دشمن طرفنده کی مسلمانلردن اولوبده ترك عسكرینه  
 قورشون آتمق اللهه، پیغمبره عصیان ایله سیاندر.

هرهانکی ملتك افراددن اولورسه اولسون، عسكر،  
 زمان حضرده آسایش و امنیتك محافظ و نكهبانی و حال  
 سفرده مملكتك مدافعی و ملتك قربانی اوله كلدیكندن،



## بر آچيق مکتوب

ديه بيليرم که ، ابنای بشر اشرف مخلوقات ايسه، عسکرده  
 اشرف ابنای بشر در . عيسا کر عثمانیه کهنجه ، قوای  
 مساحه عالمک وجوه ايله اک ممتازی اولدقلر چون زهرشیدن  
 وهر کسدن زیاده اولرله . مفتخر اولدیغمز کبی ، اولرده  
 یزدن وهر صنف خدمه ملتدن زیاده کندی مزیات عسکریه  
 وکندی صفات بشریه لریله مباهی اولمق صلاحیتی حائزدرلر .  
 مدح و ثنالرنده اظهار عجز ایدیشمی سزاوار مرحمت  
 کور مکده ، بیلیم که ، حقلی میسکنز؟ .. اردوی هایوز محتاج  
 ستایش دکلدرد . اولرک کندی حال و حرکتلری کندیلرینک  
 اعلان اوصافیدر . عثمانلی اروسسی دیمک کافه مدایح  
 و محاسنی جامع بر خطابدر .

الله ! خطابنده کافه اسماء الهیه مجتمع بو اندیغی کبی .  
 جناب حقک انسانلری کندی ذاتندن مثال اوله رق  
 یاراتمش اولدیغنه بو آدملردن بیوک ، بو انسانلردن کوزل  
 دلیل اوله ماز .

بونلر حقنده مدح و ثنا کافی دکل . هر نه یازلسه  
 توحیدلر ، نعتلر کبی ناقص و ناتمام اولور .  
 ایدر مماته توجه ، بری تظالمندن ،  
 یورز حضور ايله ، بر چهره منشیر ايله ،

شب درازده تعقیب صبح محشر ایله ،  
آلور پیام اخوت جیوش انجمن .

اصلا شبهه ایتیمه لم که ترک عسکری خلقه مکمل  
بر مخلوق اولمق اعتباریله بر انسان کاملدر . او یله طوغیور .  
شهید اولدقدن صو کره ایسه انسان کاملده تفوقله ایکی کره  
وایکی قات انسان اولیور . نصل دیهیم ؟ ولود اوله رق  
مولود اولان بو مخلوق مبشر و مسعود هیئت اجتماعیه مزه  
لایموت خاطره لر ، ابدی حسلر و شکرانلر براقه رق عازم  
مقصود و مظهر غفران رب معبود اولیور . دولت بونلرک  
قدر و قیمتی بیلمش ، آمر و مامور یکدیگری نی او کرشمش ،  
حکومت عسکردن و عسکر حکومتدن ممنون و متشکر  
بولشمش اولدیغندن ، کور مکده اولدیغمز موفقیت و مظفریتلرک  
بو ملک و ملتی قور تاره جق اولان نتیجه قطعیه سنه کال امنیت  
وقاعتله انتظار ایدلم ، عزیزم .

عبدالحق

بیک ، ۸ حزیران ۱۳۲۱

# فہرست

صحیفہ	
۳	مقدمہ ( سلیمان نظیف بک )
۱۳	برنشیدہ ( ۹۳ محاربہ سنک حین تحدثہ )
۱۹	زیارت ( سواستوپوادی کی شہدائے ایچون )
۲۲	ابن الموسادین بر پارچہ ( ۹۳ دن صکرہ کی فلاکتارہ بر نوحہ )
۲۸	اردوی ہایونندہ بر شاعر ( تسالیادہ کی مظفریتہ قصیدہ )
۳۲	الہام نصرت ( چناق قلعه قہرمانلقاریہ برنشدہ تجیل )
۳۷	والدہم ک ذیل ( بالقان فلاکتارینہ قارشہ برخطابہ )
۴۷	ہلال احمر ( برمسامردہ او قونان منظومہ )
۹۴	ہلال احمر ک دفترینہ
۵۰	ینہ ہلال احمر
۵۱	برخستہ باقیجیسینہ
۵۳	مرقد فاتحی زیارت
۵۹	قبر سلیم اولی زیارت
۶۴	نومظومہ نہ نامق کمال بک نظیرہ سی
۶۹	طیارہ شہیدلرینہ
۷۱	ضیا پاشا
۷۴	شناسی مرحوم
۷۸	ابن الموسادین بر منظومہ ( جلادت وطنپرورانہ بی معلن )
۷۹	جلال نوری بکہ ( اتحاد اسلام کتابی ایچون تقریض منظوم )
۸۱	نامق کمال بک غزانہ نظیرہ
۸۳	بر تعزیتنامہ ( مشیر فؤاد پاشاہ )
۸۸	بر آچیق مکتوب ( بر محب غزیزہ )

## آثار مفیده کتبخانه سی

آثار مفیده منسوب اولدقلری ملتک سامان عرفاتی  
احتوا ایدن برر خزینه در . بونلرک ضیاعی، حیات امتده  
تضمینی ناقابل ضرر لر ایقاع ایدر . بر طرفدن متوالی  
و مستولی حریق لر ، دیگر طرفدن قدر شناسان اجانبک  
بذل ایتدیکی نقود قارشینسنده اراده لری صار صلان و مغلوب  
اولان اصحاب و یا حفاظ کتبمزرک لاقیدی و جدانسوزی  
یادکار اسلافک بر قسمنی کتبخانه فایه ، بر قسمنی ده  
اوروپا و آمریقایه طاشیمقده در . اوایل بر حالده که کونک  
برنده خزائن عرفانمزرک بسبتون بوشانمسندن قورقولور! ...  
کتب غیر مطبوعه مزرک حال و مقدراتی بو . مطبوع  
اولانلرینه کلنجه : بونلر میاننده، مثلاً، مطبعة عامره ایله  
مصر بولاق مطبعة سنک و قتیله فوق العاده التزام دقت  
و اعتنا ایدرک طبع و تمثیل ایتش اولدینی کتابلردن بر

چو غنك و اك قيمتلى و دكر ليلرينك نسخ موجوده سى  
آزاله آزاله تداركى كسب عسرت و، ينه مثلاً، برقچ سنه  
اول يكرمى، اوتوز غروشله ممكن التدارك اولان بر  
نديم ديوانى بوكون يوز اللهى، ايكي يوز غروش راده سنه  
ترفع فيئات ايتمشدر.

مطبعة عامره و مصر مطبعه سيله مطابع و طباع سائر دنك  
الى الابد حافظه آراى شكران اوله جق صورتده خدمت  
ايتمش اولمقله برابر، انتخاب آثار خصوصنده دائماً اصابت  
ايدم مامش اولدقلىرى آثار مطبوعه كوسترييور. مثلاً  
شيخ الاسلام يحيى افندى كى لسان واديبا تمزده  
اساتيد معدوده دن اولان برذاتك ديوانى اهل اولنه زرق،  
سنبلر اوده و سبى و عيني ديوانلى كى قيمت تاليه يى حائز  
اثر لر با صل مشدر. استانبول لهجه بيانك شعر مزده استاد  
اولى اولان باقى نك ديوانى بيله بواهلدن قور توله مادي.  
آلتمش، يتمش سنه اول طاش باصمه سيله و غايت نامطبوع  
صورتده طبع و تمثيل اولنان مجموعه اشعارى - كه بوكون  
ناياب ويا كيا بدر - بيوك مطبعه لر مركز تفريق و انتخاب  
آنارده كى لا قيديسنى كوسترر.

اساسده کی بواطراد سبزلق اشکالدهده مشهود اولور :  
 مثلاً شاعر اعظم عبدالحق حامد بک شمدی یه قدر  
 انتشار ایتمش اولان یکر می بی متجاوز اثر لری مختلف کاغذ لر  
 اوزرینه ، مختلف شکل وقطعهده باصدا یغندن بونلردن  
 اوچ، دوت دانه سنی بریده جمع وتجلید ایتک قابل دکلدر .  
 اساسندن پریشان قلمغه محکوم اولان آثار مطبوعه نك  
 کتبخانه لرده نه قدر مدت پایدار اوله بیله جکی ایسه معلوم ! .  
 معارف ناظری **شکری** بک افندی آثار  
 قدیمه یی ، متوالیاً تهید ایتکده اولان آفات ضیاعدن  
 ومؤلفین جدیده یی ده طبع آئارده متماداً مصادف  
 اولمقده بولندقلری مشکلات وتردددن وقایه وتخلیص  
 مقصدیله ( **آثار مفیده کتبخانه سی** ) هیئتنی تشکیل  
 وبوهیئتک ریاستنی بالذات در عهده ایده رک وسائط موفقیتی  
 احضار صور تیله وظیفه سنک امرایفاسنی تسهیل بیور مشلردر .  
 کرک بوکتاب ، کرک بوندن بویله ساحه انتشاره چیقه جق  
 آثار ، مساعی واقعه نك درجاتی کوسترر .  
 هر تشبثک بدایتده بر چوق نواقص بولمق غیر منکر درر .  
 ( **آثار مفیده کتبخانه سی** ) هیئت آرزو اولنان مکملیتی

## الهام وطن

تمامیله تأمین ایده مدیکنی اعتراف ایدر . حرب عمومیدن  
متولد مصائب و مشکلاتک حشر و نشر اولدیغی بر زمان  
و مکانهدها زیاده کمال کوستر مک آسان دکلدی . مع مافیه  
خطوات مساعیمزک بر فراز تکاملده قطع مسافات ایتسنه  
مستمراً چالیشه جغز . اللهدن توفیق دیلرز .

استانبول ، ۵ رمضان ۱۳۳۴

سلیمان نطیف      جناب شهاب الدین      اسماعیل حقّی

محمود کمال      عثمان کمال











## فہمائی ۵ غروشدہ

عبدالحق حامد بک حق طبعی ( آثار مفیدہ  
کتبخانہ سی ) نہ منحصر اولان کلیات آثاری :

۱۶ جملہ	۱ الہام وطن
۱۷ دیوانہ لکرم	۲ ماجرای عشق
۱۸ سفیلہ	۳ صبر و نبات
۱۹ زینب	۴ ایچلی قیز
۲۰ ساردانا پال	۵ دختر ہندو
۲۱ فینتن	۶ نظیفہ
۲۲ ایلخان	۷ صحرا
۲۳ والدہم	۸ نسترن
۲۴ طرحان	۹ طارق
۲۵ بالادن برسس	۱۰ تزر
۲۶ طیفلر کچیدی	۱۱ اشبر
۲۷ عبداللہ الصغیر	۱۲ لیبرتہ
۲۸ ابن الموسا	۱۳ مقبر
۲۹ ہپ - یاخود ہیچ	۱۴ اولو
۳۰ مکتوبلر	۱۵ بوفلر اودر

